

30-10-2024

- पूर्वी लद्दाख दे देपसांग ते देमचोक क्षेत्र च भारत-चीन तनोतनी घट्ट करने दी प्रक्रिया पूरी ते तौलें गै गश्त फ्ही शुरू होई जाग।
- प्रधानमंत्री नरेंद्र मोदी होर अज्ज थमां गुजरात दे दऊं दिनें दे दौरे पर बक्ख-बक्ख परियोजनाएं दा कीता शुभारम्भ।
- देयाली दी पूर्व संज्ञा अयोध्या च अज्ज भव्य दीपोत्सव दी सब्बै तैयारियां पूरी। राम मंदरै दी प्राण प्रतिष्ठा मगरा अयोध्या च एहू पैहला दीपोत्सव समारोह होग।
- Git hub CEO Thomas Domke हुंदे आसेआ भारत मसनूई ज्ञान ते टेकनॉलजी सरबन्धी नमियें काह्दें च सब्बनें शा तेजिया नै अगगे बदने दी गल्ल पर सराहना कीती जिस ताई प्रधानमंत्री नरेंद्र मोदी होरें भारतीय नौजोआनें दी सराहना कीती।
- त्यौहारें दी रूतै च यात्रुएं दी बड़ी मती भीड़ गी दिखदे होई भारतीय रेलवे ज्हारां विशेश रेलं चला'रदा ऐ।

<><><><><><>

पूर्वी लद्दाख दे देपसांग ते डेमचोक क्षेत्रें च तनोतनी घट्ट करने दी प्रक्रिया पूरी होई गई ऐ। असल कब्जा रेखा पर साड्डे 4 बरे तोडी चली दी फौजी तनोतनी दे बाद भारत ते चीन बश्कार तनोतनी घट्ट करने दी प्रक्रिया पूरी होई गई ऐ। फौज दे सूत्रें मताबक मकामी कमांडर स्तर पर गल्लबात जारी रौहग ते बन्ने पर गशत जल्द गै फही शुरू होग। इस क्षेत्र च सामान्य स्थिति बहाल करने दी दिशा च इक महत्वपूर्ण गैह ऐ। सूत्रें आखेआ जे फौजें दे पिच्छे हटने दा कम्म चला रदा ऐ ते जमीनी कमांडरें बश्कार गशत दे तौर-तरीके तैय कीते जाडन। स्हाडे संवाददाता नै दस्सेआ जे तनोतनी गी घट्ट करने दी प्रक्रिया इस म्हीने दी 22 तरीक गी शुरू होई ही जिस च दौनें फौजें देपसांग ते डेमचोक क्षेत्रें च आरजी टेंट हटाई दित्ते न ते ढांचे हटाई दित्ता ऐ। समझौते मताबक भारत ते चीन संवेदनशील क्षेत्रें च गशत करदे बेल्लै पैहले थमां गल्लबात करने पर सहमत होए ना। भारतीय फौज दे सूत्रें एहू बी दस्सेआ जे दौनें पख कल देयाली दे मौके पर मठाइयां बी रोआर-पार बंडडन।

<><><><><><><>

[PM-Ekta Divas](#)

प्रधानमंत्री नरेंद्र मोदी होर अज्ज संज्ञा एकता नगर च बुनियादी स्थूलतें कन्नै जुडी दियें बक्ख-बक्ख विकास परियोजनाएं दा उद्घाटन ते नींह पत्थर रक्खडन। श्री मोदी होर आरम्भ 99में सांझे बुनियादी कोर्स दे 6में चरण च सिखलाई हासल करने आहले अफसरें गी बी संबोधित करंगन। अज्ज रम्भ कीते जाने आहिलयें परियोजना दा मकसद इलाके च सैलसफे दियें स्थूलतें च सुधार करना ऐ। प्रधानमंत्री होर बोनसाई गार्डन, सीवरेज ट्रीटमेंट प्लांट सरदार सरोवर डैम एक्सपीरियेंस केंद्र, उपजिला अस्पताल ते स्मार्ट बस स्टाफ सने नमियां परियोजनां दा उद्घाटन कीता। किश बरें च गै विश्व दा सब्बनें शा उच्चि मूर्ति स्टैच्यू ऑफ यूनिटी आलमी सैलसफे दा आकर्षण बनी गई ऐ। प्रधानमंत्री होर 31 अक्तूबर गी एकता नगर च उपजिला अस्पताल, ट्रैफिक सर्कल, स्मार्ट बस स्टाप दा बी उद्घाटन करडन।

<><><><><><>

PM-Tribute

प्रधानमंत्री नरेंद्र मोदी होरें गुरु पूजा दे मौके पर पसुम्पोन-मुथुरामलिंगम-थसेवर होरें गी श्रद्धांजलि अर्पित कीती। इक सोशल मीडिया पोस्ट च प्रधानमंत्री होरें आखेआ जे मते हारे

लोक उंदे विचारें ते शिक्षा थमां प्रेरित हुंदे ना। उनें आखेआ जे पसुम्पोन-मुथुरामलिंगम थेवर होरें गी गरीबी खत्म करने, आहनाटम ते करसानें दे कल्याण दी दिशा च ध्यान केंद्रित करदे होई समाज गी बेहतर बनाने लेई अपने आपै गी समर्पित करी दित्ता।

<><><><><><><>

Ayodhya-Deepotsav

रेयाली दी पूर्व संज्ञा पर अयोध्या अज्ज भव्य दीपोत्सव दी सब्बै तैयारियां पूरियां करी लैती गेदियां ना। राम मंदर दी प्राण प्रतिष्ठा दे बाद अयोध्या च एहू पैहला दीपोत्सव समारोह होग। उत्तर प्रदेश सरकार नै अज्ज राम की पैड़ी सने अयोध्या दे 55 घंटे पर 25 लक्ख शा मते दीए बालिए 7मां गिनीज विश्व रिकार्ड बनाने दा लक्ष्य रखेआ हा। इस बरे इक्क होर विश्व रिकार्ड बनाने दी कोशश कीती जाग जिस च 1 जहार 101 बटुक ते 157 संत सरयू घाट पर सब्बनें शा बड्डी आरती करंगन। केंद्रीय मंत्री गजेन्द्र सिंह शेखावत, उत्तर प्रदेश दे मुखमंत्री योगी आदित्यनाथ ते कई होर मंत्री इस कार्जक्रम च मजूद रौहडन। दीपोत्सव दौरान लेजर ते ड्रोन शो बी आयोजित कीता जाग। सुरक्षा दे निग्गर इंतजाम कीते गेन।

<><><><><><><>

PM-Youth

प्रधानमंत्री नरेंद्र मोदी होरें आखेआ ऐ जे जिसले नमियां काडुं ते टेक्नोलॉजी दी गल्ल हंडी ऐ ते भारतीय नौजवानें दी श्रेष्ठतम नौजोआनें च गिनतरी हंडी ऐ। मोदी होरें गिट हब दे सीईओ थॉमस डोमके दे इक सोशल मीडिया पोस्ट गी साझा कीता जिस च उनें समूलची धरतै उप्पर भारत दी सब्बनें शा तेजिया कन्नै बददी जनसंख्या दी सराहना कीती ते वैश्विक टेक्नोलॉजी टाइटन दे रूपै च लगातार अगगे बदने दा जिक्र कीता। डोमके होरें आखेआ जे भारत दे डेवेलपर मते गै तेजिया नै अगगे बदा'रदे न ते मसनूई ज्ञान दा इक महत्वपूर्ण उपकरण दे रूपै च इस्तेमाल करा रदी ऐ। डोमके होरें आखेआ जे जेद ऐ जे अगली महान ए.आई बहुराष्ट्रीय कंपनी दी शुरूआत इस्सै महाद्वीप च होगा।

<><><><><><>

Kanda-Train

दिल्ली ते राष्ट्रीय राजधानी क्षेत्र च गंडे दी मंग गी पूरा करने लेई कांदा एक्सप्रेस ट्रेन 840 मीट्रिक टन गंडे लेइये अज्ज दिल्ली दे किशनगंज रेलवे स्टेशन पुज्जी। उपभोक्ता मामलें दे मंत्रालय नै दस्सेआ जे भारत राष्ट्रीय कृषि सहकारी बिक्री महासंघ आसेआ पिछले हफ्ते कांदा एक्सप्रेस आसेआ इक जहार 600 मीट्रिक टन गंडे लाई औने दे बाद दिल्ली ते आले-दोआले दे क्षेत्रें लेई ट्रेनें आसेआ गंडें दी एह दुई खेप ऐ। मंत्रालय नै आखेआ जे बजार च उपलब्धता बदाने लेई ज्यादातर गंडें आजादपुर मंडी च तुआरेआ

जाग। बाकी स्टॉक दा इक हिस्सा 35 रपे फही किलोग्राम पर खुदरा बिक्री लेई बजार च पुजाया जाग। सरकार नै इस बरे कीमतें गी काबू च रखने लेई 4 लक्ख 70 ज्हार टन गंडे दी खरीद कीती ऐ ते खुदरा बिक्री दे कन्ने गै देश भर दी प्रमुख मंडियें च इसदी थोक बिक्री शुरू करी दित्ती। मंत्रालय नै आखेआ जे हुनै तोड़ी भंडार च 1 लक्ख 40 ज्हार टन शा मते गंडे नासिक ते होरनें थाहरें थमां भेजी जाई चुके दा ऐ।

<><><><><><>

Delhi-Pollution

राश्ट्रीय राजधानी क्षेत्र च ब्हाऊ दी गुणवत्ता खराब श्रेणी च बनी दी ऐ। केंद्री प्रदूषण नियंत्रण बोर्ड दे मताबक दपैहरी 1 बजे दिल्ली दी ब्हाऊ दी गुणवत्ता सूचकांकद 296 दर्ज कीता गेआ। मौसम विभाग नै दस्सेआ जे कल शा 52 नवंबर तोड़ी ब्हाऊ दी गुणवत्ता मती खराब श्रेणी च रौहने दी शैंका ऐ ते पटाखे चलाने ते पराली जलाने कन्नै हालात होर मते गंभीर श्रेणी च पुज्जी सकदे ना।

<><><><><><>

BJP EC

भारतीय जनता पार्टी नै आखेआ ऐ जे चुनां आयोग नै कांग्रेस पार्टी दे बिजन आधार दे आरोपें दा जिस चाल्ली सिद्दा जुआब दित्ता ऐ उस कन्नै पता लगदा ऐ जे कांग्रेस सत्ता दे लालच च

सरेआम बेमतलब अभियान चला'रदी ऐ। नमीं दिल्ली च संवाददाताएं कन्नै गल्ल करदे होई पार्टी प्रवैता डॉ. सुधांशु त्रिवेदी होरें आखेआ जे एहू मंदें भागें आहली गल्ल ऐ जे कांग्रेस संवैधानिक संस्थानें दा अपमान करने दा प्रयास करा'रदी ऐ। उनें आखेआ जे कांग्रेस दा लोकतांत्रिक संस्थानें पर भरोसा नेई ऐ।

<><><><><><><>

Railway-Special Train

भारतीय रेलवे देयाली ते छठ पूजा दे त्यौहारें दौरान यात्रुएं दी सहूलतें आस्तै पिछले बरे दे मकाबले 2500 बाद्दू रेल गड्डियां चला करदा ऐ। हाल च गै रेल मंत्री अश्विनी वैष्णव होरें घोषणा कीती ही जे पिछले बरै चलाई गेदियें 4500 रेलें दे मकाबले इस साल टकोहदी रेल गड्डियें गी गिनतरी बदाइयै 7000 करी दित्ती ऐ। श्री वैष्णव होरें आखेआ जे इनें विशेष ट्रेनें कन्नै हर ध्याड़े तकरीबन 2 लक्ख बाद्दू लोक यात्रा करी सकदे ना। त्यौहारें दौरान यात्रुएं दी मती गिनतरी कन्नै असरदार ढंग्गै नै निब्बड़ने आस्तै रेलवे नै नेकां गैइ पुट्टियां ना। आकाशवाणी संवाददाता नै खबर दित्ती ऐ जे मुख् स्टेशनें पर बाद्दू टिकट काउंटर खेडेरे गेन तां जे यात्रुएं गी कोई परेशानी नेई होवै।

<><><><><><><>

Nadda-Oath Unity

केंद्री सेहत मंत्री जगत प्रकाश नड्डा होरें अज्ज विश्व एकता दिवस दी पूर्व संज्ञा पर नमीं दिल्ली च एकता दी सगंधस दोआई। सेहत राज्य मंत्री प्रताप राव जाधव, सेहत सचिव पुण्य सलिला श्रीवास्तव ते होर आला अफसरें सगंध लैती। विश्व एकता दिवस हर बरै 31 अक्तूबर गी सरदार वल्लभ भाई पटेल हुंदी जयंती मौके मनाया जंदा ऐ। इस कार्जक्रम दा मकसद सरदार पटेल हुंदी विरासत दा सम्मान करना ऐ। इस मौके अपने संबोधन च श्री नड्डा होरें आखेआ जे एक भारत श्रेष्ठ भारत दी बुनियाद सरदार वल्लभ भाई पटेल हारें रक्खी ही। श्री नड्डा होरें गलाया जे एहू यकीनी बनाना स्हाढी जिम्मेदारी ऐ जे स्हाढे कम्म ते नीतियां विविधता दी भावना गी दस्सने आह्लियां होनियां लोड़चदियां न जेड़ियां भारत गी बेजोड़ बनांदियां न।

<><><><><><>

Weapon-Recovery JK

जम्मू च अखनूर सैक्टर दे बटूल इलाके च सुरक्षा बलें टाकरे दौरान कथियारें दा जखीरा बरामद कीता। कल चलाए गेदे अभियान च बलें भारी हथियारें कन्नै लैस 3 आतंकवादियें गी मारी मकाया हा। स्हाढे संवाददाता नै खबर दित्ती ऐ जे संगारै रम्भ होए दे टाकरे च बड़ी मती गोलीबारी परेंत आतंकियें दा सफाया करी दित्ता गेआ। उंदे कब्जे शा इक्क एम-4 कार्बान, ए.के-

47 रफल, नेकां कारतूस, हत्थगोले ते जंग च इस्तेमाल होने आहले समेयान सने सुरक्षा बलें सौर पैनल, सैटेलाइट फोन, फौजी वर्दी, चार्जर डिविजनल घड़ियें सने बक्ख-बक्ख उपकरणें गी बरामद कीता। दोआइयें, सुक्के मेवे ते लम्में चिरै तगर चलने आहले आपरेशन लेई लोडचदियें दुइयें चीजें दा भंडार बी सुरक्षा बलें गी थहोआ ऐ जेदे कन्नै पता लगदा ऐ जे ओह इलाके च चिरै तगर मौजूद रौहने दी तैयारी करा रदे हे। बरामद हथियार कुदरा लेयांदे गै घुसपैठ पिच्छे केडा गिरोह कम्म करा'रदा हा, इंदा पता लाने लेई जांच चला'रदी ऐ।

<><><><><><>

Infiltration-Border

जम्मू क्षेत्र च घुसपैठ करने ताई सरहद पार लांचिंग पैड पर 50 शा बद् आतंकवादी मौजूद होने दी शेंका ऐ। सेना दे इक्क आला अफसर नै जोर देइये आखेआ जे फौज इस चुनौती दा मकाबला करने ताई समर्थ ऐ ते ओह घुसपैठ दी कुसै बी कोश्ट गी नाकाम करी देग। जम्मू दे अखनूर सैक्टर च त्रै आतंकवादियें गी कामयाबी कन्नै मारी मकाने परेंत पत्रकारें कन्नै गल्ल करदे होई 10 इंफैन्ट्री डिविजन दे जनरल आफिसर कमांडिंग, मेजर जनरल समीर श्रीवास्त होरें आखेआ जे सेना आतंकवादियें गी कुसै बी नागरिकें गी नुकसान पुज्जाने दी खुल्ली छूट नेई देग। उनें दससेआ जे घुसपैठ करने दा तरीका हर गुजरदे साल दे कन्नै

बदलदा ऐ टकोह्दा करियै बर्फबारी दौरान। 28 इन्फैन्ट्री ब्रिगेड
दे कमांडर ब्रिगेडियर कपिल तनेजा ते जम्मू-कठुआ-साम्बा रेंज दे
डीआईजी पुलिस शिव कुमार शर्मा होरें उंदी मौजूदगी च मेजर
जनरल श्रीवास्तव होरें आखेआ जे घुसपैठ ते आतंवादी कारवाइयें
कन्नै निब्बड़ने च चुनौतियां बराबर गै बनी दियां ना।

<><><><><><>